

Wednesday, January 21, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

FISHERIES MINISTER

Fisheries Department changtu Minister Pu Lalthansanga'n Mizoram zaa 30 vel tal sangha-a chawm tum thei tura hma la turin Fisheries Department a thawktute a chah.

He thu hi vawiina Fisheries Department hnuaia thawktute kumthar inhlantharna leh infuihtharna hun Conference Hall, Directorate of Fisheries, MINECO-a a hmanpuinaah sawiin, Fisheries Minister Pu Lalthansanga chuan Fisheries Department in ZPM Sorkar hnuaiah hmasawnna hrang hrang an neih chu lawmawm atih thu sawiin Mizoram zaa 30 vel tal sangha a chawm tum thei tura hmala turin Fisheries Department a thawkte a chah a, thawktute chu tunlai thiamna thar hmang tangkai thiam tur leh inzir belh tura chahin Sangha ah Mizoram a intodelh theih nan tan la zual turin thawk tute a fuih a, Fisheries Minister chuan thawktute chu an nitin eizawmna chu an rawngbawlina a ni tih hria a, taima taka thawk a, loneitute ngaihsak lehzual turin leh Kalphung thar Mipui sorkar a nih ang ngei a, mipui te ngaihsak leh zual a, rinawm taka an hna thawk turin a fuih bawk a ni.

Byte : Minister Pu Lalthansanga

Inhlantharna hun ah hian District hrang hrang a District Fisheries Development Officer te leh Fisheries Extention Officer te bakah Directorate leh Secretariat a thawktute an tel a, he hunah hian Fisheries Department hnathawh kal mek leh lo la awm tur te bakah, Fisheries Department hmasawnna tur Project leh Scheme (CSS) hrang hrang te Powerpoint Presentation hmangin inzirtir a ni a, District hrang hrang a thawktute dinhmun leh hmasawnna bakah staff indaihlohna avanga harsatna an neihte Powerpoint Presentation hmanga tarlan a ni bawk a ni.



MPCC PRESS CONFERENCE

Congress Party chuan Mizoram sawrkarin AMC inthlan kalpui theih loh khawpa harsatna a awmlo tih sawiin ZPM sawrkar chuan Dampa by-election an chak loh avang leh LADC inthlana pathumna an nih avangin AMC inthlan a hun taka neih an duhlo tih a sawi.

Vawiina thuthar thehdarhtute an kawmna ah Mizoram Pradesh Congress Committee Spokesperson Dr Lallianchhunga chuan ZPM Sawrkar chuan tunhnai tualchhung inthlanah an chakloh avangin AMC inthlan a hun taka buatsaih an tumlo sa hrim hrim tih sawiin AMC term a ral hnu vekah buatsaih an tum chauh chu hriatthiam harsa an tih thu an sawi a, AMC inthlan buatsaih tura harsatna lian tham awm an hrelo tih sawiin term dinglai thiat a, AMC enkawltu tur Administrator ruat ngai hiala inthlanna tih khawtlai chu Democracy kalphung palzutna ah an ngai tih

sawiin ZPM chuan tunhnai inthlan an chakloh avangin AMC inthlan chu an duh hrihlo nia an ngaih thu a sawi.

Dr Lallianchunga chuan AMC inthlan buatsaihna tur leh AMC sorkar thar din a nih theihna atana tih tur tul ang ang chu SEC hian a peih vek tawh a ti a, AMC term kal mek chu kumin March ni 1 ah a tawp dawn avangin State Election Commission chuan hmeichhe ward tur chu nikum 2025 May ni 30 ah a tifel tawh tih sawiin AMC Final Electoral Roll pawh kumin Jan 7 khan tar chhuah a ni tawh a ti a, inthlan tih khawtlaina chhan an sawi chu state sawrkar chinfel theih vek ani tih sawiin AMC inthlan a hun taka an buatsaih duhlo chu mipui zahlohna ani tih sawiin a rang lama inthlan buatsaih vat turin an phut tih a sawi.



SIAHA DISTRICT LIBRARY

MADC Art and Culture Department enkawl District Library chu mipuiten tangkai takin an hmang mek.

Siaha khawpuia District Library thawktute chhinchhiah danin, tun dinhmunah Library tlawhtu Member 798 awm mek in, nikum chung khan member thar 17 an awm a. lekhabu 21787 a awm mek a ni.

Library thawktute sawi danin thla tin mi 12 in lekhabu an hawh chhuak reng a, heibakah hian Sikul naupang ten an tlawh nasat thu an sawi bawk.

Library Member ni turin Passport photo leh ₹150 keng engtiklai pawh in a inziah luh thei a, heihi lifetime membership a ni nghal a ni.



KVK KHAWZAWL

Vawiin khan KVK Khawzawl leh SIRD Thingsulthliah tang kawp chuan Tuipui khuaa Community Hall-ah kuthnathawktu mi 30 hnenah Safe and Judicious Use of Pesticides (thlai kahna damdawi hman dan chungchang) inzirtirna an buatsaih.

He hun hi Dr. Malsawmkimi Senior Scientist & Head KVK Khawzawl chuan kaihruaiin Pi Zonunsangi leh Pu R. Vanlalmuanpuia, Faculty SIRD te chuan he hun hi an hmanpui a, kuthnathawktuten tun aia hmasawn leh hlawk zawka an thlai thar te an hralh chhuah theih nan sawngbawl dan chi hrang hrang te sawiin chumi atana KVK Khawzawl te nena tangkawpa he hun hi buatsaih a nih thu an sawi a. Training ah hian Dr. Lalngaihawmi, SMS (Plant Protection) chuan zirtirna a pe a ni.

